

Baut coroner investigations

Inpomeisan po pamle ane pren



Izi Yumplatok



Blue word

Sam word wea dis buk e **blue**.

Wi go explen wanem dem blue word e min.

Po andastan dis buk



Yu ken gede sambodi po elpe yu

- po andastan dis buk
- po gede mo inpomeisan.



E gad kontakt inpomeisan wea end blo dis buk.

Baut dis buk



Dis buk e kam prom da **Coroners** Court of Queensland.

Coroners e dempla uda trai po paindaut wiskain pipol e **pinis ded**.



Pinis ded e min dat sambodi e pinis ded, e nomo laip.

Mipla kole dis wok, **investigation**.



Mipla sabe e ken bi prapa nugud taim po pamle ane pren wen wi meke dis wok.

Mipla prapa sori dat sambodi yu sabe e pinis ded.



Mipla trai po meke dis wok soon apta e apen.

Watpo wi meke diskain investigation



E gad law dat ol **mas** spik mipla wen sam pipol pinis ded.



Oi neime dis law da **Coroners Act**.



Mipla meke dis wok po paindaut demkain ting ya, wase

- neim blo da person uda pinis ded



- wattaim ane wea dempla e pinis ded



- wanem da rizan dempla bin pinis.




S	M	T	W	T	F	S
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		




Mipla luk po

- dipren ting wanem bin apen bipo sambodi bin pinis ded




- ip samting bin go rong



- ip e bin gad samting ip ol mekem dat mait stapem prom pinis ded.



Da law spik mipla ken gede inpomeisan prom eniwan o eni grup blo pipol.




Da law e spik dat mipla mas investigate 7 dipen wei pipol ken pinis ded.



1. Nadakain nugud wei po ded

Nadakain nugud wei po ded e apen

- wen sambodi kile nada person
- wen sambodi bin pinis ded wea transport, wase car kras
- wen sambodi pinis ded wea wok
- wen sambodi bin kile emselp
- wen sambodi bin draun, poldaun o bin ded prom kam tu ot o tu kol
- wen sambodi pinis ded prom obamak alkohol o nugud drug.



2 Suspicious ded



Suspicious ded e min wen mipla tink dat sambodi bin kile nada person.




Ip police arrest sambodi wen e gad suspicious ded mipla no stretwei go meke investigation.

3. Pinis ded wen pipol gede helth care



Oi **mas** spik mipla wen

- sambodi e pinis ded prom helth care dempla bin gedem



- sambodi bin pinis ded bikoze da helth care woka no sabe wanem bin rong wea dempla



- sambodi bin pinis ded bikoze dempla no bin gede da prapa helth care.

4. Pinis ded wail sambodi care po dempla



Oi **mas** spik mipla ip sambodi pinis ded wen pipol care po dempla po samting wase em disable o gad mental sik.



Oi **mas** spik mipla ip e bin pikinini uda bin pinis ded wen pipol lugaut em po kipe em seip.

5. Pinis ded wea custody, wea immigration detention o wen e gad police operation




Custody e min dat yu no kan libe da ples wea yu sidaun rait nau.

Wase, yu insaid zeil.

Immigration detention e custody po pipol uda nogad **visa** po bi ya wea Australia.

Visa e spesil leta wea e spik dat yu lau po bi ya wea Australia

6. Nogad death certificate



Death certificate e leta prom dokta wea e spik wiskain sambodi e pinis ded.

7. Ol tink sambodi mait pinis ded



Police **mas** spik mipla ip dempla kan paine sambodi ane dempla rekon e pinis ded.

Uda meke dem investigation?

Da Coroners Court of Queensland



Da coroner go lide da investigation.



Da coroner go wok longsaid nada pipol, wase da police ane dipren helth pipol.



Queensland Police

Police go po dem ples wea nadakain nugud
wei po ded e apen.




Dempla gibe ripot po da coroner.



Dempla ken trai paine da neim blo da person.



Dempla elp gede pipol po teke da person
po **mortuary**.



Mortuary e ples wea ol teke sambodi uda pinis
ded bipo ol teke dempla go po da funeral ples.



Da police ken tele pipol wiskain dempla ken
gede dem ting blo dempla baigen.

Forensic pathology ane coronial services




Forensic pathology ane coronial services
paindaut wiskain sambodi e pinis ded.



Dempla prapa stadi dem bodi po paindaut
wanem dempla mas sabe.

Dempla gibe ripot po da coroner.



Dempla ebritaim trite dem pipol uda pinis ded
wea **respect ane gudwei**.

Respect ane gudwei e min dat ebriwan
important.




Coronial Serbis po Pamle

Dempla gibe sapot po pamle.



Dempla mait kontakt yu wen mipla starte investigation.

Wen mipla kontakt pamle



The Coroners Act **defines** uda pamle memba.

Defines e min yu explein wanem da meaning blo dipren word.




Mipla laik po tok po onli wan memba blo da pamle, but e ken bi mo.



Da Coroners Act e spik wanem pamle memba wi lau po kontakt.

First Nations pamle



First Nations e min Aboriginal ane Torres Streit Ailan pipol.



Mipla wande meik sure wi prapa gibe respect po kalsa blo First Nation pipol.



Yu ken tel mipla eniting baut kalsa o pamlelain sodat mipla sabe ane ken tingbaut dem ting.



Mipla go trai po gibe yu ebri inpomeisan wea em go mit dem dipren nid blo yupla kalsa.

Inpomeisan baut da investigation



Da coroner da wan uda decide ip sambodi ken gede inpomeisan baut da investigation.




Ip yu wande luk dem dipren investigation peipa den yu mas raite leta po mipla.

Yu ken gede mo inpomeisan wea mipla website.



Website

[coronerscourt.qld.gov.au/resources/
accessing-coronial-documents](https://coronerscourt.qld.gov.au/resources/accessing-coronial-documents)



Wiswei? Yu lau po stat plan da funeral, seimtaim mipla investigate?



Wa. Yu ken stat plan da funeral seimtaim mipla investigate.



Mipla go wok longsaid da funeral director ane da mortuary.



Yu ken meke funeral apta da coroner gri wiskain da person bin pinis ded.

Funeral Assistance Scheme



Samtaimz mipla pei da funeral ip

- da person bin pinis ded wea Queensland

ane




- e gad nobodi uda ken pei da funeral.



Samtaimz mipla ken pei da funeral prom da **estate** blo da person uda pinis ded.



Da estate e da mani dat person bin libem wen em pinis ded.



Dem rul baut uda gad rait po yuze dis Funeral Assistance Scheme e de lo mipla website.



Website


coronerscourt.qld.gov.au/for-families/funeral-assistance-scheme



Pipol blo da court wea yu lib ken elpe yu po mekem.

Website

courts.qld.gov.au/contacts



Wiskain po gede death certificate


Yu ken gede death certificate apta da coroner bin disaid wiskain da person bin pinis ded.

Yu ken gede death certificate prom da Registry of Births, Deaths and Marriages.



Website

qld.gov.au/rbdm




Funeral director blo yu lau po gede death certificate po yu.

Wanem inquest?



Inquest e min dat mipla gad spesil court miting po trai ane paindaut wanem bin apen.



E no go gad jury ane da court no go pute bleim lo enibodi baut dat person uda pinis ded.



Da publik lau po go po da inquest. But samtaimz ol no go lau dempla.



Mipla go pute dem **findings** wea mipla website wen da inquest e pinis.



Findings e min wanem da coroner tink e bin apen.



Dem findings mait gad **recommendations**.

Recommendations e idea po meke ting mobeta.

E ebritaim go gad inquest?

Plenti dem investigation **no go** gad inquest.



Dem investigations go pinis wen da coroner meke dempla findings.



Mipla **mas** meke inquest ip sambodi pinis ded wea

- prison
- police custody
- immigration detention.



Mipla go meke inquest po nada ting wen pipol pinis ded, ip mipla rekon e gad **publik interest**.

Publik interest e min e gad sam problem wea da komuniti dat mipla nid po tingbaut.




Mipla mait meke inquest ip

- sambodi bin pinis ded wen e bin wea care




- sambodi pinis ded wen e bin gad police operation



- mipla no sabe wanem bin mekem pinis ded



- mipla tink dat wi ken paine niu wei po elp stape nada pipol prom pinis ded



- maitbi wi ken meke recommendations dat go meke sam ting mobeta.



Mipla go pute dem inquest findings wea mipla website.



Mipla go sane dem recommendations po dem pipol uda ken yuzem po meke da wok blo dempla mobeta.



Yu ken aske mipla po gad inquest.

Yu nid po explen po mipla watpo da inquest go bi wea da publik interest.



Ip mipla no meke inquest, den yu ken aske da state coroner.



Ip da state coroner spik **no**, yu can aske da District Court.




Mait yu wande paine lawyer wen mipla stat po investigate?



Lawyer e sambodi udat


- protekt dem raits blo yu



- em gibe yu adbais baut da law



- em aske kweston po yu.



Yu ken disaid ip yu wande lawyer seimtain mipla investigate baut da wan uda pinis ded.

Wiskain po paine lawyer

Legal Aid Queensland

Paindaut ip yu go nid po pei da lawyer.



Ring 1300 65 11 88



Website legalaid.qld.gov.au

Queensland Law Society

Paine lawyer uda sabe plenti baut coroner law.



Ring 1300 367 757



Website qls.com.au

Queensland Coronial Legal Service

Yu ken gede pri legal advice baut wiskain mipla wok.



Ring 07 3214 6333



Website

[caxton.org.au/how-we-can-help/
queensland-cornial-legal-service](http://caxton.org.au/how-we-can-help/queensland-cornial-legal-service)

Community Legal Centres Queensland

Paine komunniti legal centre wea yu lib.



Ring 07 3392 0092




Website communitylegalqld.org.au

Da Aboriginal ane Tores Streit Ailan Legal Service

Legal service po Aboriginal ane Tores Streit Ailan pipol wea Queensland.



Ring 1800 012 255



Email coronial@atsils.org.au



Website atsils.org.au

More information




Po gede mo inpomeisan kontakt da
Coroners Court of Queensland.

Ring 07 3738 7050



o

1300 304 605



Email

CoronersCourt@justice.qld.gov.au



Website coronerscourt.qld.gov.au

**Yu ken rid ebri inpomeisan po pamle and
pren wea mipla website.**



Website

coronerscourt.qld.gov.au/for-families



Ip yu nide elp wea English

Yu ken yuze da pri Translating ane Interpreting Service o TIS po meke phone call

Yu ken ring da TIS wea yupla langgus.



Ring 131 450

Gibe da TIS opis da namba yu wande ring.



Ip yu nide elp po spik o po lisen

Yuze da National Relay Service po meke phone call.

Yu mas zoin pas bipo yu ken yuze da serbis.



Website accesshub.gov.au/nrs-helpdesk



Ring 1800 555 660

Dis Easy English dokument e bin mekem bai Scope (Aust) Ltd.
lo May 2025 ane yuze Picture Communication Symbols (PCS).
PCS e trademark blo Tobii Dynavox, LLC. All rights reserved. Ol bin
gede rait po yuzem. Ol kan sele dis buk po ausaid pipol. Yu ken onli
yuze dem piksa ip yu gede rait po yuzem. Po gede mo inpomeisan baut
dem piksa, kontakt Scope lo 1300 472 673 o go luk scopeaust.org.au

